


醫籍攷

卷四十三 四十四
方論二十一 二十二

武
2
22



武
2
22

九
氏圖書之
田

周氏
齋

圖書

醫籍考卷四十三

東都 丹波元胤紹翁 編

方論二十一

蘇氏遊玄感傳屍方

宋志作蘇曉玄感論註曰曉一作遊按據外臺秘要方作蘇曉誤

舊唐志一卷

佚

許氏孝崇篋中方宋志作卷

新唐志三卷

佚

按新唐志作許孝崇誤今改正蓋孝崇顯慶四年與李

勳等同修本草圖經者仕至尚藥奉御

亡名氏延年秘錄

舊唐氏十二卷

崇文總目作十卷

佚

崔氏

知悌纂要方

新唐志作崔行功

舊唐志十卷

佚

按是書舊新唐志所記崔氏名不同今據外臺秘要方所列考之若灸骨蒸法圖註曰崔氏別錄骨蒸灸方圖并序中書侍郎崔知悌撰出第七卷中云似是出于知

悌者然蘇沉內翰良方載崔氏增損理中丸稱西晉崔行功方則未知孰是也再考外臺又載崔氏療鬼氣辟邪惡阿魏藥安息香方後有余時任度支郎中語又小續命湯方下曰余昔至戶部員外郎患風疹又云余曾任殿中少監以狀設向說名醫徵之舊新唐書崔知悌及行功傳無是官銜特大中十二年唐技所進郎官石柱題名戶部員外郎有崔知悌名則知其出于知悌者仍據舊志定為知悌書矣良方稱行功為西晉人此以其方後有予以告領軍韓康伯右衛毛仲祖光祿王道預臺郎顧君苗著作殷仲堪之語也然崔氏所援諸書

若大小前胡湯金牙散並稱出胡洽療骨蒸蒼梧道志
方後載蘇遊玄感論又載巒公謂氣方劉涓子甘草湯
則知是書決非晉人所著至加減理中丸是崔氏採阮
河南等方論者也

王氏勅醫語纂要統文畧作醫
語纂要論

宋志一卷

佚

舊唐書本傳曰王勃字子安絳州龍門人六歲解屬文構思
無滯詞情英邁與兄勳勳才藻相類父友杜易簡常稱之曰
王氏三珠樹也勃年未及冠應幽素舉及第乾封初詣闕上

震遊東岳頌時東都造乾元殿又上乾元殿頌沛王賢聞其
名召為沛府修撰甚愛重之諸王鬪鷄互有勝負勃戲為檄
英王雞文高宗覽之怒曰據此是交構之漸即日斥勃不令
入府久之補虢州參軍勃恃才傲物為同僚所嫉有官奴曹
達犯罪勃匿之又懼事洩乃殺達以塞口事發當誅會赦除
名時勃父福峙為雍州司戶參軍坐勃左遷交趾令上元二
年勃往交趾省父道出江中為採蓮賦以見意其辭甚美渡
南海隋水而卒時年二十八

新唐書本傳曰勃嘗謂人子不可不知醫時長安曹元有秘
術勃從之游盡得其要

孟氏說必効方

舊唐志十卷

佚

補養方

舊唐志三卷

佚

楊氏關名大僕醫方

初幼新書作楊太鄭方

新唐志一卷註曰失名天授二年上

佚

張氏文仲隨身備急方

新唐志三卷

佚

舊唐書本傳曰張文仲洛州洛陽人也少與鄉人李虔縱京兆人韋慈藏並以醫術知名文仲則天初為侍御醫時特進蘇良嗣於殿廷因拜跪便絕倒則天令文仲慈藏隨至宅候之文仲曰此因憂憤邪氣激也若痛衝脇則劇難救自朝候之未及食時即苦衝脇絞痛文仲曰若入心不可療俄頃心痛不復下藥日旰而卒文仲尤善療風疾其後則天令文仲集當時名醫共撰療風氣諸方仍令麟臺監王方慶監其脩撰文仲奏曰風有一百二十四種氣有八十種大體醫藥雖

同人性各異庸醫不達藥之性使冬夏失節因此殺人唯脚氣頭風上氣嘗須服藥不絕自餘則隨其發動臨時消息之但有風氣之人春末夏初及秋暮要得通洩即不因劇於是撰四時常服及輕重大小諸方十八首表上之文仲久視年終於尚藥奉御撰隨身備急方三卷行於代

法象論

宋志一卷

佚

王氏方慶隨身左右百發百中備急方十卷

佚

按石見于舊唐書本傳與張文仲所撰其目相類唯卷帙不同宣文仲就方慶之書節抄成編者歟

元氏希聲行要備急方

宋志一卷

佚

按外臺秘要方載張文仲療諸風方九首稱元侍郎希聲集

段氏元亮病源手鏡

新唐志一卷

佚

伏氏適醫苑

新唐志一卷

佚

吳氏昇蘇敬徐王唐侍中三家脚氣論

宋志一卷

據外臺秘要方當作二卷

佚

王燾曰吳氏竊尋蘇長史唐侍中徐王等脚氣方身經自患三二十年各序氣論皆有道理具述灸穴備說醫方咸言摠試但有效驗比來傳用實愈非虛今撰此三本勒為二卷色

類同者編次寫之仍以朱題蘇唐徐姓號各於方論下傳之門內以救疾耳外臺秘要方

玄宋開元廣濟方

新唐志五卷

佚

舊唐書宋紀曰開元十一年九月己巳頌上撰廣濟方於天下仍令諸州各置醫博士一人

王應麟曰天寶五載八月癸未詔廣濟方令郡縣長吏撰其要者錄于大板以示坊村

天寶單行方

佚

按石見于證類本草積聖草圖經註

劉氏貺真人肘后方

新唐志三卷

佚

舊唐書劉子玄傳曰子玄子貺博通經史明天文律曆音樂醫纂之術終於起居即修國史撰六經外傳三十七卷續說苑十卷太樂合璧記三卷真人肘后方三卷天官舊事一卷王氏燾外臺秘要方

新唐志四十卷

存

辛

自序曰昔者農皇之治天下也嘗百藥立九候以正陰陽之變診以救性命之昏札俾厥土宇用能康寧廣矣哉洎周之王亦有家卿格于醫道掌其政令聚毒藥以供其事焉歲終誓考而制其食十全為上失四下之我國家由茲典動取厥中置醫學頒良方亦所以極元氣之和也夫聖人之德又何以加乎此乎故三代常道百王不易又所從來者遠矣自雷岐倉緩之作彭扁華張之起迨茲厥後仁賢間出歲且數千方逾萬卷專車之不受廣廈之不容然而載祀綿遠簡編虧替所詳者雖廣所畧者或深討簡則功倍力煩取捨則論

甘忌苦永言筆削未暇尸之余幼多疾病長好醫術遭逢有道遂躡亨衢七登南宮再拜東掖便繁臺閣二十餘載久知弘文館圖籍方書等繇是覩奧升堂皆探其秘要以婚姻之故貶守房陵量移大寧郡提携江上冒犯蒸暑自南徂北既僻且陋染瘴嬰病十有六七死生契闊不可問天賴有經方僅得存者神功妙用固難稱述遂發憤刊削庶幾一隅凡古方纂得五六十家新撰者向數千百卷皆研其總領數其指歸近代釋僧深崔尚書孫處士張文仲孟同州許仁則吳昇等十數家皆有編錄並行於代美則美矣而未盡善何者各擅風流迥相矛盾或篇目重雜或商較繁蕪今並味精英鈐

其要妙俾夜作晝經之營之指衆賢之矻矻撥群才之翠羽皆出入再三伏念旬歲上自炎昊迄於盛唐括囊遺闕稽考隱祕不愧盡心焉客有見余此方曰嘻博哉學乃至於此耶余荅之曰吾所好者壽也豈進於學哉至於遁天倍情懸解先覺吾常聞之矣投藥治疾庶幾有瘳乎又謂余曰稟生受形咸有定分藥石其如命何吾甚非之請論其目夫喜怒不節飢飽失常嗜慾攻中寒溫傷外如此之患豈由天乎又爲人臣爲人子自家刑國由近兼遠何談之容易哉則聖人不合啓金滕賢者曷爲條玉板斯言之玷竊爲吾子羞之客曰唯唯嗚呼齊梁之間不明醫術者不得爲孝子曾閔之行宜

其用心若不能精究病源深探方論雖百醫守疾衆藥聚門
適足多疑而不能一愈之也主上尊賢重道養壽初年故張
王李等數先生繼入皆欽風請益貴而遵之故鴻寶金匱音
囊錄帙往往而有則知日月所照者遠聖人所感者深至於
齋神養和休老補病者可得聞見也余敢採而錄之則古所
未有今並繕緝而能事畢矣若乃分天地至數別陰陽至候
氣有餘則和其經渠以安之志不足則補其復溜以養之溶
溶液液調上調下吾聞其語矣未遇其人也不誣方將請俟
來哲其方凡四十卷名曰外臺秘要方非敢傳之都邑且欲
施於後賢如或詢謀亦所不隱是歲天寶十一載歲在執除

月之哉生明者也

新唐書王珪傳曰珪孫燾性至孝爲徐州司馬母有疾彌年
不廢帶視絮湯劑數從高醫游遂窮其術因以所學作書號
外臺秘要討繹精明世寶焉歷給事中鄴郡太守治聞於時
孫兆序曰夫外臺者刺史之任也秘要者秘審樞要之謂也
唐王燾臺閣二十餘年久知弘文館得古今方上自神農下
及唐世無不採摭集成經方四十卷皆諸方秘審樞要也以
出守于外故號曰外臺秘要方凡一千一百單四門以業氏
病源諸家論辨各冠其篇首一家之學不爲不詳王氏爲儒
者醫道雖未及孫思邈然而採取諸家之方頗得其要者亦

崔氏孟詵之論也。且古之如張文仲集驗小品方，最為名家。今多亡逸，雖載諸方中，亦不能別白。王氏編次各題，各號使後之學者皆知所出，此其所長也。又謂鍼能救生人，不能起死人，其法云亡且久，故取灸而不取鍼，亦醫家之弊也。此方撰集之時，或得缺落之書，因其闕文義理不完者多矣。又自唐歷五代，傳寫其本，訛舛尤甚。雖鴻都祕府亦無善本。國家詔儒臣較正醫書，臣承命，臣其書方證之重者，刪去以從其簡。經書之異者，註解以著其詳。魯魚豕亥，煥然明白。臣謂三代而下，文物之盛者，必曰西漢。正以侍醫李柱國較方伎，亦未嘗命儒臣也。臣雖濫吹儒學，但盡所聞見，以脩正之，有所

闕疑，以待來哲。總四十卷，并目錄一卷。恭惟主上盛德承統，深仁流化，頌此方論，惠及區宇，贊天地之生育，正萬物之性命，使歲無疵癘，人不欠橫，熙熙然樂於聖造者也。前將仕郎守殿中丞同校正醫書臣孫兆謹上。

洪邁曰：外臺祕要載制虎方，稱到山下先閉云云。虎即走予謂人卒逢虎，魂魄驚怖，竄伏之不暇，豈能雍容步趨。伏咒語七字而脫耶。因讀此方，聊書之以發一笑。此書乃唐王珪之孫燾所作。本傳云：燾視母疾，數從高醫游，遂窮其術。因以所學作書，討繹精明，世寶焉。蓋不深考也。容齋四筆。

趙希弁曰：外臺祕要方四十卷，石唐王燾撰。燾之序云：嘗得

古方書數千百卷因述諸病證候刑集方藥符禁鍼灸之法
陳振孫曰外臺秘要四十卷唐鄴郡太守王焘撰自為序天
寶十一載也其書博采諸家方論如肘後千金世尚多有之
至於小品深師崔氏許仁則張文仲之類今無傳者猶見間
於此書大凡醫書之行于世皆仁廟朝所校定也按會要嘉
祐二年置校正醫書局於編集院以直集賢院掌高錫林億
校理張洞校勘蘇頌等並為校正後又命孫奇高保衡孫兆
同校正每一書畢即奏上億等皆為之序下國子監板行並
神注本草圖經千金翼方金匱要略傷寒論悉從摹印天下
皆學古方書嗚呼聖朝仁民之意溥矣

王禕曰王焘外臺秘要所言方證符法灼灸甚詳然謂鍼能
殺生人而不能死人則一偏之論也青巖叢
徐大椿曰唐王焘所集外臺一書則纂集自漢以來諸方匯
萃成書而歷代之方於焉大備但其人李非當家之學故無
所審擇以為指歸乃醫方之類書也然唐以前之方賴此書
以存其功亦不可泯但讀之者苟胸中無成竹則眾說紛紛
群方淆雜反茫然失其所據醫學源流論
四庫全書提要曰外臺秘要四十卷唐王焘撰焘鄆人王珪
孫也唐書附見珪傳稱其性至孝為徐州司馬母有疾彌年
不廢帶視絮湯齋宋視絮二字未詳然王海所引數從高醫齋亦同是宋本已然姑仍其舊

游遂窮其術因以所學作外臺秘要計繹精明世寶為歷給事中鄴郡太守祝文志載外臺秘要四十卷又外臺要略十卷今要略久佚惟秘要尚傳此本為宋治平四年孫兆等所校明程行道所重刻前有天寶十一載燾自序又有皇祐二年内降劄子及兆校上序其卷首題林億等名考書錄解題引宋會要云云則卷首題林億名乃統以一局之長故有等字也燾居館閣二十餘年多見宏文館圖籍方書其作是編則成於守鄴時其結銜稱待節鄴郡諸軍事兼守刺史故曰外臺案獬豸察雜記曰外臺見唐高元裕傳故事三司監院官帶御史者號外臺書錄解題作外臺秘要方自序亦同唐書及孫兆序中皆無方字蓋相沿省

其文耳書分一千一百四門皆先論而後方其論多以巢氏病源為主每條下必詳註原書在某卷世傳引書註卷第有李涪刊誤及程大昌演繁露而不知例創於燾可以見其詳確其方多古來專門秘授之遺陳振孫在南宋末已稱所引小品深師崔氏許仁則張文仲之類今無傳者猶間見於此書今去振孫四五百年古書益多散佚惟賴燾此編以存彌可寶貴矣其間及禁術蓋千金翼方已有此例唐小說載賈耽以千年梳治蝨瘕為異聞其方乃出於此書第十二卷中宋小說載以念珠取誤吞漁鉤為奇伎其方乃在今八卷中又唐制臘日賜口脂面藥今不知為何物其方亦具在三十

一卷中皆足以資博物三十七卷三十八卷皆乳石論世說
載何晏稱服五石散令人神情開朗玉臺新詠有姬人怨服
散詩蓋江左以來用為服食之術今無所用又二十八卷載
猫鬼野道方與巢氏病源同亦南北朝時鬼病唐以後絕不
復聞然存之亦足資考訂也衍道刻此書頗有校正惟不甚
解唐以前語與後世多異如痢門稱療痢稍較衍道註曰較
宋疑誤考唐人方言以稍可為校故薛能黃蜀葵詩有記得
玉人春病較句馮班校才調集辨之甚明衍道知其有誤而
不知較為校誤猶為未審然大致多所訂定故今亦竝存焉
按外臺有三義逸周書王會解曰受贄者八人東面者

四人陳幣當外臺又魏志王肅傳註曰薛夏太和中以
公事移蘭臺蘭臺自以臺也而秘書署耳推使當有坐
者夏報之曰蘭臺為外臺秘書為內閣臺閣一也何不
相移之有又唐書高元裕傳所載三司監院官帶御史
者趙升朝野類要曰安撫轉運提刑提舉實分御史之
權亦似漢繡衣之義而代天子巡狩也故曰外臺考王
燾所以命是書其自序署曰銀青光祿大夫持節鄴郡
諸軍事兼守刺史上柱國清源縣開國伯而不載帶御
史則提要所謂是編成於守鄴時故稱外臺者恐未的
確自序又曰兩拜東掖便繫臺閣二十餘歲久知弘文

館圖籍方書等錄是觀與升堂皆探其秘要云據此其
義取魏志蘭臺為外臺之謂者也先考弟子述本崧菴
崧曰王壽傳所謂視紫湯藥者提要以為未詳誤曲禮
云毋絮羨鄭玄註絮猶調也釋文絮勅慮反謂加以鹽
梅也視紫即調劑之義也

外臺要略

新唐志十卷

佚

徒都子膜子外氣方

宋志作膜外氣方

崇文總目一卷

佚

聖濟總錄曰諸家方書論水氣甚詳未嘗有言膜外氣者唐
天寶間有徒都子者始著膜外氣方書本未完具自成一家
今併編之然究其義本於肺受寒邪傳之於腎腎氣虛弱脾
土又衰不能制水使水濕散溢於肌膚之間氣攻於腹膜之
外故謂之膜外氣其病令人虛脹四肢腫滿按之沒指是也
鄭樵曰膜外氣方即水氣也

德宗貞元集要廣利方

新唐志五卷

佚

舊唐書德宗紀曰貞元十二年正月乙丑上制貞元廣利藥方五百八十六首頒降天下

太平御覽作親為之制序敢題千天下通衢其方總六十三種

三百八十六首

陸氏贊集驗方新唐書本傳作今古集驗方五十篇

新唐志十五卷

佚

舊唐書本傳曰贊在忠州十年常閉關靜處人不識其面復避謗不著書家居瘴鄉人多瘡疫乃抄撮方為陸氏集驗方五十卷行於世

葉夢得曰陸宣公在忠州集古方書五十卷史云避謗不著

書故事爾避謗不著書可也何用集方書哉或曰忠州邊蠻夷多瘡瘍宣公多疾蓋將以自治尤非也宣公豈以一己為休戚者乎是殆援人於疾若死亡而不得者猶欲以是見之在他人不可知若宣公此志必矣避暑錄話

趙希弁曰陸宣公經驗方二卷右唐陸宣公贊在忠州時所集而山陰陸游所跋也或問朱文公曰陸宣公既貶避謗闔門不著書祇為古今集驗方云此亦未見陸宣公是處豈無聖經賢傳不以傳可以玩索可以討論

楊萬里跋曰陸宣公之貶也杜門集古方書而已或曰避謗者歟或曰窮而不怨也楊子曰宣公之心利天下而已矣其

暄

用也則醫之以奏議其不用也則醫之以方書有用有不用者宣公之身也宣公之心亦有有用有不用乎哉文集

李氏暄嶺南脚氣論

新唐志一卷

佚

新唐書宰相世系表曰李暄長州主簿

脚氣方

新唐志一卷

佚

青溪子萬病拾遺

宋志作李温

新唐志三卷

佚

消渴論

新唐志一卷

佚

甄文畧曰青溪子消渴論一卷唐李暄撰

脚氣論

新唐志三卷

佚

崇文總目曰新撰脚氣論三卷李暄撰

按據崇文總目，甄文略青溪子即李暄別號也。宋志作李溫，豈有所避而改者歟。

七名氏袖中備急要方

新唐志三卷

佚

鍼灸服藥禁忌

新唐志五卷

佚

衛氏嵩醫門金寶鑑甄文略作醫門金鑑

新唐志三卷

佚

醫籍考卷四十三

醫籍考卷四十四

東都 丹波元胤紹翁 編

方論二十二

亡名氏嶺南急要方

新唐志三卷

佚

賈氏耽備急單方

新唐志一卷

佚

新唐書本傳曰賈耽字敦詩滄州南皮人天寶中舉明經補

臨清尉上書論事從太平河東節度使王思禮署爲度支判
官累進邠州刺史治凡九年政有異績召授鴻臚卿兼左右
威遠營使俄爲山南西道節度使梁崇義反東道耽進叱敦
城取均州建中三年從東道德宗在梁耽使司馬樊澤奏事
澤遠耽大置酒會諸將俄有急詔至以澤代耽召爲工部尚
書俄爲東都留守貞元九年以尚書右僕射同中書門下平
章事俄封魏國公順宗立進檢校司空左僕射時王叔文等
干政耽病之屢移病乞骸骨不許卒年七十六贈太傅諡曰
元靖耽嗜觀書老益勤尤悉地理至陰陽雜數罔不通其器
恢然益長者也

劉禹錫傳信方

新唐志二卷

伏

唐才子傳曰劉禹錫字夢得中山人貞元九年進士又中博
學宏詞科工文章時王叔文得幸禹錫與之交嘗稱其有宰
相器朝廷大議多引禹錫及柳宗元與議禁中判度支鹽鐵
按憑藉其勢多中傷人御史竇群劾云挾邪亂政即日罷憲
宗立叔父敗斥朗州司馬州接夜郎俗信巫鬼每祠歌竹枝
鼓吹俄延其聲僖僖禹錫謂屈原君沅湘間作九歌使楚人
以迎接神乃倚聲作竹枝辭十篇武陵人悉歌之始坐叔文

貶者雖赦不原宰相哀其才且困將深用之乃悉詔補遠州
刺史諫官奏罷之時久落魄鬱鬱不自抑其吐辭多諷託遠
意感權臣而憾不釋久之召還欲任南省郎而作玄都觀者
花君子詩語譏忿當路不喜又謫守播州中丞裴度言播猿
狖所宅且其母年八十餘與子死決恐傷陛下孝治請稍內
遷乃易連州又徙夔州後由和州刺史入為主客郎中至京
後遊玄都詠詩且言始謫十年還輦下道士種桃其盛若霞
又十四年而來無復一存唯免葵燕麥動搖春風耳權近聞
者益薄其行裴度薦為翰林學士俄分司東都遷太子賓客
會昌時加檢校禮部尚書卒公恃才而放心不能平行年益

晏偃蹇寡合乃以文章自適善詩精絕與白居易酌唱頌多
嘗推為詩豪曰劉君詩在處有神物護持有集四十卷今傳

薛氏弘慶兵部字集方

新唐志三卷註曰兵部尚書李絳所傳方弘慶太和河中少

尹

佚

薛氏景晦古今集驗方

新唐志十卷註曰元和邢部郎中貶道州刺史

佚

崔氏元亮海上集驗方

新唐志十卷

佚

新唐書本傳曰崔玄亮字晦叔磁州昭義人貞元初擢進士第累署諸鎮幕府父喪客高郵卧苫終制地下濕因得痺病不樂進取元和初召為監察御史累轉駕部員外郎清慎外特澹如也稍遷密款二州刺史歛人馬牛生駒犢官籍蹄噉故吏得為姦玄亮焚其籍一不問民山處輸租者苦之下令許計斛輸錢民賴其利歷湖曹二州辭曹不拜太和四年繇太常少卿改諫議大夫朝廷惟為宿望拜右散騎常侍每遷官輒讓形於色鄭注構宋申錫捕逮倉卒內外震駭玄亮率

諫官叩延英苦諍反復數百言文宗未諭玄亮置笏在陛曰孟訶有言眾人皆曰殺之未可也卿大夫皆曰殺之未可也天下皆曰殺之然後察之乃真於法令殺一凡庶當稽典律况欲誅宰相乎臣為陛下惜天下法不為申錫言也俯伏流涕帝感悟眾亦服其不撓繇此名重朝廷頃之移疾歸東都召為虢州刺史卒年六十六贈禮部尚書玄亮晚好黃老清靜術故所居官未久輒去遺言山東士人利便近皆葬兩都吾族未嘗遷當歸葬滏陽正首丘之義諸子如命

鄭氏注藥方

新唐志一卷

佚

按新唐書鄭注絳州翼城人世微賤以方伎遊江湖間
大和末仕至檢校尚書左僕射鳳翔隴右節度使與李
訓等謀誅宦者事敗被殺

韋氏宙集驗獨行方

新唐志十二卷

佚

新唐書韋丹傳曰丹子寅推蔭累調河南府司錄參軍李班
表河陽幕府宣宗謂宰相墀曰丹有子否以寅對帝曰與好
官乃拜侍御史三遷度支郎中盧鈞節度支郎表寅為副時

回鶻已破諸部入塞下剽殺吏民鈞欲得信重更視邊寅請
往自定襄雁門五原絕武州塞略雲中踰旬注徧見酋豪鑿
諭之視亭障守卒增其稟約吏不得擅以兵侵諸戎犯者死
於是三部六蕃諸種皆信悅召拜吏部良中出為永州刺史
還為大理少卿久之拜江西觀察使政簡易南方以為世官
遷嶺南節度使南詔陷交趾撫兵積儉以幹聞加檢校尚書
左僕射同中書門下平章事咸通中卒

玉壺備急方崇文總目作別集
玉壺備急大方

宋志三卷崇文總目
作一卷

佚

司空氏輿發燭錄

新唐志一卷註曰圖父大中時商州刺史

佚

舊唐書司空圖傳曰圖父輿精史術大中初戶部侍郎盧弘正領鹽鐵奏輿為安邑兩池稅鹽使檢校司封郎中先是鹽法條例疎濶吏多犯禁輿乃特定新法十條奏之至今以為便入朝為司門員外郎遷戶部郎中卒

許氏詠六十四問

宋志作六十四問方秘要方註曰詠一作詠

新唐志一卷

佚

按新唐書宗室傳曰永安壯王孝基曾孫涵子鯨貞元初為鏡州別駕安高以善歌入宮因御醫許詠通書坐誅宋志註作許詠豈其人歟

青蘿子道光通元秘要術

崇文總目無青蘿子道光五字不著撰人名氏

新唐志三卷註曰失姓咸通人

佚

葉氏長文啓玄子元和紀用經

宋志一卷

存

工部尚書致仕許寂序曰昭皇在御余嘗布衣奉詔講易禁

殿忤言驚俗尋乞還山茹芝採藥與羽人梁自然爲山水師友丹竈之外博究經方採世活人歲千百數春和秋爽多歷名山一日授余啓元三章曰君食熟酪可施此藥余雖敬受莫測其所謂也後辟兵入蜀方悟熟爲蜀因施藥治人多獲康愈由是蜀人遂無大枉同光從王入朝齒髮已衰旋乞致仕卜林泉於洛居歲餘又悟酪爲洛自洛入得藥起死者不可勝數白牛師誥歷驗無差食於蜀食洛余神其事乃書經之首以傳後世

程永培跋曰宋史藝文志載有啓元子元和紀用經一卷世傳絕少李時珍著本草綱目引用方書無所不採而獨遺此

蜀洛

卷或未嘗寓目耶王肯堂準繩曾引其說以後諸家絕未見有用其方者今按此卷乃傳自越之許寂寂本四明山道士後至蜀歷官至尚書蜀降唐遂家於洛寂於兩郡治人之病無不愈余偶得之如獲至寶是夜虛室生白乃此書之光也執方療病輟應手愈第本有闕字然本亦不刊留之以待補者余乃據啓元子素問原註補之尚有不及補者則目力所限考據難周又不敢參以私意仍留本以俟博覽君子

按乾隆中程永培刊六醴齋叢書收有是書無葉長文序題云唐啓元子王冰著又有許寂序所言虛誇難信然檢其文決非宋以後物且與陳氏三因方所引相合

則要為古書無疑矣

蘇氏越郡方秘要方宋志註要一作會

新唐志三卷

佚

李氏繼阜南行方崇文總目作南得方

新唐志三卷崇文總目作十卷

佚

唐宣成公太和濟要方舊闕唐宣成公四字今據藝文略錄之宋志作濟安

崇文總目五卷宋志作一卷

佚

白氏仁叙唐興集驗方

新唐志五卷

佚

包氏會應驗方

新唐志一卷宋志作三卷

佚

梅氏崇獻方苑文畧作道士梅崇獻

新唐志五卷

佚

醫門秘錄

崇文總目五卷

佚

姚氏和衆

延齡至寶方

舊作童延齡至寶方今據阮文畧改訂崇文總目作姚和撰誤

新唐志十卷

佚

錢侗曰延齡至寶方十卷姚和撰按唐志宋志延齡上並有衆童二字通志略刪去童字作姚和衆撰以衆字併為人名謬矣後醫書類五有保童方一卷宋志亦作姚和衆撰則又承通志之誤

白六

按唐志延齡上有衆童二字者是上文有姚和衆童子

秘訣二卷故誤添此字錢侗謂以衆字併為人名謬此說及非證類本草多引姚和衆方

李氏昭明高臺集

新唐志三卷

佚

陳氏元

北京要術

新唐志一卷註曰元為太原少尹

崇文總目作二卷

佚

冊府元龜曰陳立京兆人家世為醫後唐明宗朝為太原少尹集平生驗方七十五首并修合藥法百件號曰要術刊石

置於太原府衙之左以示於眾病者賴焉

按元立二字必有一誤五代史後唐明宗宗天成元年八月甲寅醫官張志忠為太原少尹別不載陳氏名豈係闕文歟

七名氏醫鑑

崇文總目一卷

佚

證病源

崇文總目五卷

佚

張氏詠新集普濟方

宋志五卷

佚

冊府元龜曰周張詠顯德初進新集普濟方五卷詔付翰林院考試尋以詠為翰林醫官

劉氏翰經用方書

三十卷

佚

冊府元龜曰劉翰顯德初進經用方書一部三十卷論候一十卷今體治世集二十卷上覽而嘉之乃以為翰林醫官其

書付史館

論侯

十卷

佚

全體治世集

劉翰宋志作劉翰全體崇文總目作全體苑文畧丹府元龜作今體並訛

宋志三十卷

崇文總目作三卷

佚

偽蜀羅氏

普宣

廣正集靈寶方

宋志無廣正集三字

統文畧一百卷

佚

偽蜀吳氏群意醫紀曆

統文畧一卷

佚

亡名氏法家論語

崇文總目一卷

佚

問醫療訣

統文畧作素問醫療訣

崇文總目一卷

佚

石氏昌理明醫顯微論

舊脫明字據統文畧訂補

崇文總目一卷

佚

七名氏大元新論

崇文總目一卷

佚

金匱錄

崇文總目五卷

佚

王氏顏續傳信方

蘇文畧作偽
唐王顏撰

崇文總目十卷

佚

華氏宗壽昇元廣濟方

蘇文畧作偽
唐華宗壽撰

崇文總目十卷

佚

張氏叔和新書病總要略

宋志新書
作新集

崇文總目一卷

佚

葉氏傳古醫門指要用藥立成訣

宋志作葉傳右
醫門指要訣

崇文總目一卷

佚

孫氏廉金鑑方舊開名氏今據宋志錄苑文略作孫廉

崇文總目三卷

佚

李氏鉞新修榮衛養生用藥補瀉論宋志作李鉞

崇文總目十卷

佚

亡名氏博濟安眾方

崇文總目二卷宋志作三卷

佚

集諸要妙方

崇文總目一卷

佚

纂集韓待詔肘後方

崇文總目一卷

佚

鄭氏闕名惠心方

崇文總目三卷

佚

纂秘要藥方

崇文總目二卷宋志作三卷

佚

圃田通元秘術方 宋志作圃田通元方

崇文總目三卷

佚

惠民方

崇文總目一卷 宋志作三卷

佚

亡名氏秘要藥方

崇文總目一卷

佚

裴氏孝封新集應病通神方 舊闕名氏今據菴文集錄

崇文總目一卷 宋志菴文集錄作三卷

佚

王氏守愚普濟方

崇文總目五卷

佚

崔氏闕名應驗方

崇文總目一卷

佚

亡名氏塞上方

崇文總目三卷

佚

備急方

崇文總目一卷

佚

刪繁要略方

崇文總目一卷

佚

備急簡要方

崇文總目一卷

佚

病源九經

蘇文畧
九作北

崇文總目一卷

佚

醫明要略

崇文總目一卷

佚

問答病狀

崇文總目一卷

佚

問病錄

崇文總目一卷

佚

蕭氏存禮百一問答方

崇文總目三卷

佚

安氏文恢萬全方

舊闕名氏今據宋志錄宋志註全一作金批文畧作安恆

崇文總目三卷

佚

七名氏集諸纂驗方

崇文總目一卷

佚

雜藥方

崇文總目一卷

佚

錄驗備急諸方

崇文總目一卷

佚

諸家明方

崇文總目一卷

佚

段氏詠走馬備急方宋志注
一作詠

佚

崇文總目一卷

七名氏秘要方

佚

崇文總目一卷

千金纂錄

佚

崇文總目二卷

還元丹方

佚

崇文總目一卷

養生益壽備急方

佚

崇文總目一卷

巾箱集

佚

崇文總目一卷

王氏闕名秘方

崇文總目五卷

佚

沈氏承澤集妙方

舊闕名氏今據宋志錄沈文畧作沈承

崇文總目三卷

佚

亡名氏川玉集

菴文畧作穿玉

崇文總目一卷

佚

骨蒸論

崇文總目一卷

佚

蕭氏

宗簡

水氣論

舊闕名氏今據宋志錄宋志注蕭一作蕭

崇文總目三卷

佚

朱氏

元朴

風疾論

崇文總目一卷

佚

亡名氏五癆論

崇文總目一卷

佚

吳氏希言風論仙朮經宋志作山朮經注朮一作朮

崇文總目二卷宋志作一卷

佚

醫門括源方

宋志一卷

佚

章氏秀言草木諸藥單方舊闕名氏今據宋志錄

崇文總目一卷

佚

七名氏奏問單方宋志作秦問

崇文總目一卷

佚

單方

崇文總目一卷

佚

王氏朝昌新集方

崇文總目二卷

佚

李氏八百方

崇文總目一卷

佚

七名氏返魂丹方

崇文總目一卷

佚

通元秘錄

崇文總目三卷

佚

孔氏周南靈方志

崇文總目一卷

佚

崇文總目一卷

蔣氏准療黃歌

崇文總目一卷

佚

七名氏靈奇壁奧

崇文總目三卷

佚

西京曹氏水氣論宋志作崇氏

崇文總目一卷宋志作五卷

佚

楊氏天業三十六種風論宋志作楊太業

崇文總目一卷

佚

華氏顯醫門簡要

崇文總目十卷

佚

醫籍考卷四十四

安岡周禎抄寫

